



34. 33

# IN ENCOMIVM CELEBERRIMÆ DESCENSIONIS SPIRITUS SANCTI, PARACLYTI, SUPER APOSTOLORUM, ET DISCIPULORUM habitaculum.

CUJUS VENERANDA SOLEMNITAS A COELICOLIS IN ECCLESIA  
Triumphante, & à Christicolis in Militante, hodierno die, nempe, Idibus  
lunij anno à Sacrofæcto partu Virginico 1734. eximia  
cum hilaritate colitur.

**VERSICULI ADONICI, QUI TANTUM EX DACTILO,  
& spondeo conflantur.**

PURI OB EORVM DEM DIFFICVLTATEM RARO INVENIVNTVR,  
ferè enim post tertium quemque saphicum  
eos exaratos offendimus.

ANTEQUAM INGENIOLI MEI CYMBULA FRAGILIS PER  
ARCTISSIMVM METRI ADONICI FRETVM, VELIS SACRAE NARRATIONIS IN  
altum elatis, navigare cœperit, Spiritus Sancti suppetias humillime  
implorat, dicitans, *Veni Creator Spiritus, &c.*

## EPIGRAMMA.

Spiritus Almus  
Cum Genitore,  
Cum Genitoque,  
Jupiter Vnum,  
Hifce diebus,  
Ventitat Alto  
Teatum in amicum,  
Vbi sedebant  
Tunc duodena  
Turba celebris,  
Discipulique,  
Confociati  
Cum Genirice,  
Virgine Sancta,  
Omni potensis,  
Impiet abunde  
Igne superno  
Pectora eorum,  
Guttura que ipsa  
Cœliophria,  
Vnde repleti  
Alacritate,  
Cœlica cuncti,  
Vocibus altis,  
Mira loquuntur.

Ibi Coloni  
Illius Vrbis  
Dœmonis astu,  
Insdijs que  
Decipiuntur,  
Quippe putarunt,  
Quosque beavit  
Spiritus Almus  
Dotibus altis,  
Vina potasse,  
Atque loquaces  
Verba sonare  
Ebria valdè.  
Fallitur ipse  
Cœtus Averni  
Ipsius Vrbis,  
Quippe potarunt  
Cœlica vina  
Protinus omnes,  
Atque repleti  
Neçtare dulci  
Spiritus Almi  
Fantur abundé,  
Voce canora,  
Verba sacrata.

Hifce peractis,  
Tunc duodena  
Turba beata  
Totius orbis  
Ambitionem  
Sorte peragrat,  
Expoliando  
Dogmata tetra  
Perditionis  
Atque ferendo  
Dogmata sancta,  
Verba que Christi;  
Mirificando.  
Orbe rotundo  
Semine sparso  
Dogmatis alma,  
Propter amorem  
Omnipotensis,  
Impietatis  
Clade Tyranni  
Ipfa perempta est,  
Vnde beatur  
Arce superna, &  
Sanctificatur,  
Omne per ævum.

Spiritus Alme  
Christicolarum,  
Valde bonorum,  
Dulce solamen,  
Corcula nostra  
Dura penetra  
Ipse sagitis  
Dulcis amoris,  
Vt valeamus  
Cunctivalentem,  
Viribus amplis,  
Semper amare,  
Et fugitemus  
Crimina cuncta,  
Atque obeamus  
Actus opimos,  
Tempore vita,  
Vt mereamur,  
Grandis Olympi  
Ferrier Arcem,  
Atque fruamur  
Jupiter ibi  
Luce perenni,  
Delicijs que,  
Cuncta per ævum.  
Amen.

Cum jam musæ meæ imbecillis, & abjecta scapha  
per artissimum metri Adonici fretum navigarit, tot  
periculis vocom inopiæ fluctibus huc, illuc que-  
jaetur, & ne in salebrofas solæcismorum, aut bar-  
barismorum cautes præceps illideretur, contractis  
sacræ narrationis vélis, ad exiguae explana-  
tionis portum, Spiritus Sancti  
ope, ni fallor, indemnis  
appullit.

## APPENDIX IN SOLUTA ORATIONE.

**C**UR Sancti Apostoli, Domini que discipuli cum aliquibus pijs mulieri-  
bus, eos Sacrosancta Virgine, Dei Genitrice consociante, in illa felici-  
cissima domo 10. diebus, Spiritus Sancti adventum fuerint in oratione  
præstolantes? Quare Idem Spiritus Divinus ignearum linguarum specie supra  
corundem capita descederit? quibuspiam idiomatis omnes, post suscepitam cœ-  
licam sapientiam, mira loquerentur, ita ut vñusquisque in eo idiomate, quo ab  
infantia erat imbutus, quæ divinitus proferebant, mente conspiceret? cum  
Sancti Apostoli ad tetras Idololatix tenebras expoliandas, & ad Sacrosancti  
Evangelij celestia dogmata disseminanda totam orbis ambitionem peragras-  
sent: quæpiam provincia ad sua cœlica munia obcunda singulis obtigerit? quot  
ethnicos exleges ad Iesu Christi, deliciarum nostrarum, nominis agnitionem  
suis Divinis Verbis allexerint: quot jam allectos sacro latice expiante alacri-  
ter tinixerint? quot miracula patrarint? quaspiam ærumnas exanthlarint? quæ-  
piam martyrij genera subjerint? ac denique quo tempore, & vbi vis locorum  
ad Olympicas fides possidendas adyolarint, non est meum, sed Sanctarum  
Scripturarum Interpretum enucleare. Vnde earundem amantes liberter rogi-  
tarim, vt si hanc Apostolicam, & divinam narrationem callere prorsus stu-  
dent, sapientissimum P. Cornelium à Lapide è Societate Iesu in Acta Aposto-  
lorum (cujus gemmeas in dilicijs interpretationes semper habui) alacres con-  
sulerent, vel alium quempiam Interpretem in eadem Acta sacra.

Omnia S. C. S. R. Ecclesiae.

Per Magistrum nobilium Asseclarum D. D. Gabrieli, Torres de Navarra, Or-  
dinis Equestris D. Sancti Jacobi, Marchionis de Campo-Viridi, & Archidia-  
coni hujusce Sanctæ, Metropolitanæ, & Patriarchalis Basilicæ Hispalensis.



